

堯山堂外紀

堯山堂外紀卷七十二

晉陵蔣仲舒編

元

李孟

字道復仁宗
藩邸舊臣

仁宗皇慶癸丑冬詔以皇慶三年八月天下郡縣
興其賢者能者充賦有司明年二月會試時李
道復為知貢舉官紀以詩曰百年場屋事初行
一夕文章聚帝京。豹管敢窺天下士。龍頭誰占

日邊名寬容極口論時事衣被終身荷聖情願
得真儒佐明主白頭應不負平生

歐陽玄

字原功院圭齊瀏陽人皇慶初科進士三任成均兩為祭酒六入翰林三

拜承旨卒謚文

秦定間歐陽原功官國子監丁卯八月崇天門傳
臚賜進士右榜第一人阿察赤左榜第一人李
黼皆肄業國學日新齊原功西廳授業生也是
日京尹備鼓樂旗幟麾蓋廿世都導二狀元入學

謝師拜原功明倫堂榜眼。錙思誠探花郎徐容
嘗因原功同年黃晉卿從原功遊。亦拜其側。其
餘進士以門生禮來拜者。雜沓不能記。都人以
爲斯文盛事。同寅舉酒相屬。原功成絕句以紀
其事曰。昔被仁皇雨露恩。三朝五度策臨軒。
小臣報國無他伎。館下新添兩狀元。禁院層層
桃李開。天街繡轂轉晴雷。銀袍飛蓋人爭看。
兩兩龍頭入學來。淡墨題名二十年。一官獨自

擁寒氊。居然國子先生館。三五魁躔拜座前。
長沙有朝士某者。還鄉意氣盈滿。賓至鼓吹喧闐。
里中有執友來訪朝士曰。翁素好誦詩。近日誦
得何詩。執友曰。近誦得孫鳳洲贈歐陽圭齋詩。
甚有味。乃朗誦曰。圭齋還是舊圭齋。不帶些兒
官樣回。若使他人居二品。門前簫鼓鬧如雷。朝
士聞詩有赧色。明日賓至。門庭寂然。

黃潛

字晉卿。義烏人。以太極賦領鄉薦。學者傳誦。時因稱為黃太極。宋瀛王諱皆出。

黃晉卿草意詩云澹烟斜日照離離。漫吐芳心說
向誰。可是忘憂能自得。若教指佞定無私。東風
江上何人識。南國春來有夢知。但把青青承雨
露。未應紅紫浪相疑。又菊枕詩云東籬采采數
枝霜。包裹西風入夢涼。半夜歸心三徑遠。一囊
穠色四屏香。床頭未覺黃金盡。鏡底難教白髮
長。幾度醉來消不得。卧收清氣入詩腸。後首或
以為馬

堯山堂外紀卷七十二

三

祖常
作

錢塘莫景行

維賢

築別業於靈竺間。繞栽杏樹。號

曰杏園。日與騷人墨客遊。詠其中。時人比之輞

川。庄黃晉卿贈詩云。旋移小隱傍南峰。遠有咸

平處士風。山態近人。猶偃蹇。湖光無雨。亦溟濛。

行春杖屨時時到。臨水軒天面面通。別作新亭

供戲劇。青帘搖曳杏花中。

黃晉卿題青山白雲圖云。十年失脚走京塵。忘却

青山與白雲忽見畫圖疑是夢冷花涼葉思紛

袁楠

字伯長號清容四明人讀書吳興有清容書院臨苕水對弁山後人題云人同

綠水長為主座有青山不計年

袁伯長竹枝宛轉詞云聞郎腰瘦寄當歸望盡天邊破鏡飛昨夜燈花圓似粟倚門不肯送郎衣許敬仁祭酒魯齋子也學行皆不逮於父輒以門第自高每談及乃父奉旨之榮口稱先人者不

一袁伯長嘲之曰祭酒許敬仁入門轉輒噉出門傳聖旨口口稱先入蓋敬仁頗尚朔氣習國語乘怒必先以阿刺花刺等句叱人人咸鄙之
皇慶間孔某為江浙省掾史身軀短小僅與堂上公案相等凡呈署牘文又用低聲閣足令高麗執事相以其先聖子孫而且才學優長甚禮遇之時有詔許文正公從祀夫子廟庭許敬仁時為參知政事恐風度不雅因小過叱之退丞相曰他祖公容得參政父親坐參政反不容他一個子孫立耶許大慚

王士熙

字繼學東平人
涑東廉使

虞伯生代祀還蜀袁伯長有詩送之王繼學次其
韻云蜀道揚鞭舊險摧家山遙認石崔嵬奉香
暫別金鑾殿題柱真乘駟馬來祠罷汾陰迎漢
鼎路經驪谷吊秦灰歸釐宣室虛前席不似長
沙遠召回

李芝儀維揚名妓也工小唱尤善慢詞王繼學中
丞甚愛之贈以詩序共一聯云善和坊裏驂騑
構出繡鞍來錢唐江邊燕子啣將春色去又有

塞鴻煠四關歌館盛傳之喬夢符亦贈以詩詞甚富

黃清老

字子肅邵武人
泰定中舉進士

黃子肅為翰林供奉日人有以且耕亭求詩者子肅贈詩曰萬里扶搖鶴未回荷鉏聊復此徘徊閑雲照水自舒卷幽鳥愛山時往來琴榻松風寒帶雨硯池花露碧生苔且耕亭上春如錦想見斑衣戲老萊蓋其人有親在堂乃遠遊奔競

曠其家園詩意有所謂云

黃子肅古樂府二首云君好錦繡段妾好明月珠
錦繡可為服服美令人愚不如珠夜光可以照
讀書君好春芍藥妾好夏池蓮芍藥多艷色
春風迷少年不如蓮有實可以壽君筵

後至元丁丑黃子肅會同年李子威主事觀至能
照磨等十人於城南紀以詩曰曾記城南尺五
天重來携手宴同年春風遠塞葡萄酒明月佳

人玳瑁筵苔上藥闌紅染露鶯啼柳徑碧生烟。
瓊林十載多離別欲拂金徽思渺然。

薩都刺

字天錫本京口朱氏子冒為
回回人與黃清老同年進士

薩天錫詩送欣笑隱住龍翔寺云東南隱者人不
識一日才名動九重地濕猷聞天竺雨月明來
聽景陽鍾衲衣香暖留春麝石鉢雲寒卧夜龍
何日相從陪杖屨穩風江上採芙蓉虞伯生見
之謂曰詩固好但聞聽字意重薩後至南臺見

馬伯庸亦如虞所云欲改之未得未幾薩以事
至臨川謁虞語及前詩伯生曰此易事唐人詩
有云林下老僧來看雨宜改作地濕猷看天竺
雨音調更差勝薩嘆服拜為一字師

薩天錫有華清曲題楊妃病齒云沉香亭北春晝
長海棠睡起扶殘粧清歌妙舞一時靜燕語鶯
啼空斷腸朱唇半啟榴房破胭脂紅注珍珠顆
一點春酸入瓠犀雪色鮫綃濕香唾九華帳裏

薰蘭炷玉肱。曲枕珊瑚偏。玉釵半脫翠蛾歛。龍
髯天子空垂涎。妾身雖侍君王側。別有閑情向
誰說。斷腸塞上錦裯兒。萬恨千愁言不得。城都
遙進新荔枝。金盤紫露甘如飴。紅塵一騎不成
笑。病中風味心自知。君不聞華清宮一齒作楚
藏禍根。又不聞馬嵬坡一身濺血未足多。漁陽
一日鼙鼓動。始覺開元天下痛。雲臺不見漢功
臣。三十六牙何足用。明眸皓齒今已矣。風派何

虞三郎李

薩天錫征婦怨云有柳切勿栽長亭有女切勿歸
征人長亭楊柳自春色歲歲年年送行客一朝
羽檄風吹烟征人遠戍居塞邊。韓韓車馬去如
箭。錦衾繡枕難留戀。黃昏寂寞守長門。花落無
心理。針線新愁暗恨人不知。欲語不語顰蹙眉。
妾身非無淚。有淚空自垂。雲山烟水隔吳越。望
君不見心愁絕。夢魂暗逐蝴蝶飛。畢竟羞對窓

前月。牕前月色照人寒。遲遲鍾鼓夜未闌。燈闌
有恨花不結。粧臺塵慘恨班班。半生偶得一錦
字。道是前年戰時苦。一朝血杵烟數除。腰間斜
掛三珠虎。妾心自喜還自驚。門前忽聞凱歌聲。
錦衣繡服歸故里。不思昔日別離情。別離之情
幾青草。鏡裏容顏為君老。黃金白壁買嬌娥。洞
房只道新人好。

王氏守素錢唐民家女其夫丁棄家爲全真道士

於吳山之紫陽菴一日召守素入山書付四句
云嬾散六十三妙用無人識逆順兩俱忘虛空
鎮常寂坐抱一膝而逝方外者流謂之騎鶴化
守素遂亦束髮簪冠着道士服奉夫遺屍二十
年迹不下山年逾七十幾於得道薩天錫贈之
詩曰不見遼東丁令威舊游城郭昔人非鏡中
春去青鸞老華表山空白鶴歸石竹淚乾斑雨
在玉簫聲斷綵雲飛洞門花落無人迹獨坐蒼

苔補道衣

薩天錫與觀志能俱以公事赴北舟至梁山泊時
荷花盛開風雨大至舟不相接遂泊蘆葦中天
錫折蘆一葉題詩其上寄志能云題詩蘆葦雨
班班底事詩人不奈閑滿漈荷花開欲遍客程
五月過梁山及再過梁山泊有懷志能復題一
絕云故人同出不同歸雲水微茫入夢思記得
題詩向蘆葉滿湖風雨似來時

薩天錫梳頭樂府云紅綃捲袖搖釧聲摩挲睡眼
窺秋菱陽臺夢斷不知處一片烏雲愁欲傾一
鈎新月掀雲起月漸低流雲委地玉纖盤轉戲
龍形寶釵壓定飛鴉翅撩春撥曉誇自然黃金
覆燕珍珠蟬白頭老姬低低笑不覺婆婆二八
年

薩天錫賦燈草云天涯何處無青青王孫去後蘼
蕪溪瑤田手種綠玉髮道是無情却有心此心

未明人未識。金篦剖腹森如戟。撮將一縷玉。垂
兒散作萬家紅。粟粒侯門珠網百面霞。秦樓玉
樹雙頭花。慧燈莫與群迷染。正性何愁慾境遮。
韓堂風露光微顫。萬古聖賢俱對面。但勤挑剔
不憚勞。萬炬金蓮紅藥院。

有以繡枕遺薩天錫者。枕上繡貴妃看鸚鵡。高力
士侍側。天錫善其補製得體。為賦鸚鵡曲。以畚
之曰。水晶簾垂宮漏長。猩色屏風圍繡牀。美人

春睡苦不足。夢隨飛燕遊。昭陽覺來粉汗濕。香
臉一線深紅。枕猶淺。三十六宮在眼前。五色輕
雲隨目轉。牙牀坐端。楊太真。雲冠霞佩。絳色裙。雙
成小玉各宮樣。綉衣烏帽高將軍。雕籠七寶挂
宮樹。玉梭金杼看鸚鵡。可憐鸚鵡解人言。不說
漁陽動鞞鼓。乃知禽語能戲人。不知人語能殺
人。亡家敗國汚天地。天生尤物天亦嗔。一朝艷
質化塵土。可恨可憐千萬古。香魂不逐馬塵飛。

猶托深閨綉房女。想當杼袂欲繡時。停針想像
心如絲。綉成時。自比容貌伏枕自喜。還自悲。郎
官有此從何得。見慣梅花心似鐵。偶然持贈百
拙人。眉毛睨睛生百色。少年得此惱斷腸。錦屏
繡縵蘭麝香。夜深酒醒換銀燭。時見楊妃在耳
傍。張麗華沉宮井。銅雀臺烟燼冷。繁華一夢
人不知。萬事邯鄲呂公枕。

薩天錫賦手帕云。一幅生綃對角裁。出懷風送粉

香來。鞦韆架上扶絨索。玳瑁筵前捧玉盃。塵拂
鳳箏籠箏指。夢回鴛枕襯桃腮。斑斑多少傷春
泪。袖根長防阿母猜。

蝦助海錯也。一名水母。又云海蜚其形一片如輪
困無目。允行蝦必附之。故云蝦助以拊醢製之。
可以醒酒。薩天錫詩云。層濤濡沫綴蝦行。水母
含秋孕地靈。海氣凍成紅玉脆。天風寒結紫雲
腥。霞衣褪色脂流滑。瓊縷烹香酒力醒。疑是楚

江萍實老。誤隨潮汐落。滄溟。

謝宗可

金陵人有百詠集
大率皆效陸詩

謝宗可咏睡燕云補巢。啣罷落花泥。困倚東風倦。
翼低金屋。晝閑隨蝶化。雕梁春靜。怕鶯啼。魂飛
漢殿人應老。夢入烏衣路。欲迷却。怪捲簾入喚
醒。小橋深巷。夕陽西走馬。燈云颺。輪擁騎出炎
精。飛繞人間不夜城。風鬢追星低有影。霜蹄逐
電去無聲。秦軍夜漬咸陽火。吳炬宵馳赤壁兵。

却憶雕鞍年少日。章臺踏碎月華明。鼠鬚筆云
夜逐虛星上月宮。奮髯奪得管城公。橐中不攪
吟牕夢。指下先收翰苑功。莫笑硯池濡醉墨。絕
勝倉廩飽陳紅。平生嚙盡詩書字。散作龍蛇落
紙中。中字重

謝宗可又有賣花聲詩云春光叫盡費千金。紫艷
紅香藉好音。幾處喚回游冶夢。誰家不動惜芳
心。韻傳楊柳門庭晚。響徹鞦韆院落深。忽被捲

簾入喚住。蝶蜂隨擔過牆陰。

段天佑

字吉甫河南人江浙提舉

李當當名妓也。翻然有悟。遂着道士服。段天佑贈詩曰。歌舞當年第一流。洗粧今日別青樓。便隨南嶽夫人去。不爲蘇州刺史留。璫館月明。蕭鳳下。綺牕雲散。鏡鵝收。却嫌痕絕。潯陽婦。嫁得商人已白頭。

雅璵

字正卿可溫人

雅正卿咏二月梅云去季呵筆賦寒梅又見仙家
二月開不是東君留客醉肯教神女逐春回梨
花院落為雲妬柳絮池塘作雪猜東閣如今清
興減羅浮誰與寄香來

雅正卿在都上元夜有詩云華月澄澄宿霧收萬
家燈火見皇州天昏虎豹依霄漢人海魚龍混
斗牛公子錦韉鳴玉勒內家珠箔控銀鈎道傍
亦有楊雄宅寂寞芸牕冷侶穠

東平王繼學

士熙

嘗題冰壺美入圖雅正卿和之

唐宮題葉云彩毫將恨付霜紅。恨自綿綿水自東。金屋有閨嚴虎豹。玉書無路托鱗鴻。秋期暗度驚催織。春信潛通悞守宮。莫道銀河消息杳。明年錦樹又西風。崔徽寫真云舞鸞粧鏡拭鉛華。毫素無聲散彩霞。夜月影寒生桂魄。春水暈薄映桃花。夢隨圖去憑青鳥。愁逐書來點墨鴉。未得離魂如倩女。泉容先我到君家。

堯山堂外紀卷七十三

晉陵蔣仲舒編

元

文宗圖帖穆爾

國語曰扎牙篤改元天曆開奎章閣作二壘一曰天曆之

寶一曰奎

章閣寶

建康舊治治亭當鍾山佳處文宗在金陵亭去行
邨為近常遊幸焉一日傳命且至住山道人寶
琳者出宮門迎候移時見從官奉供帳及門則

知上已至亭久矣從臣以寶琳見上笑曰道人
何避客之久也寶琳頓伏請罪上曰山徑幽雅
取便而至宜爾之不知題治亭者爲虞集今何
在皆對曰今在翰林命侍臣模其詩畫觀之因
藏諸篋問寶琳何以字玉林則對曰道士燒金
石爲丹永抽鼎中狀如瓊林玉樹故取以爲名
上曰當此大雪時吾登此亭目力所及樹木皆
玉也豈不易見乎更謂之雪林且謂寶琳曰吾

出游數勞人動衆不如山行之便可作柴門嚴
扃鑰以待予之往來自是數至寶琳野人見上
樂甚乃忘其微賤或持酒引裾留上上亦欣然
為留焉文宗居金陵潛邸時命臣房大年畫京
都萬歲山大年鮮以未嘗至其地上索
終為運筆布畫位置令按橐圖上大年得橐欲
藏之意匠經營格法適整雖積學專工亦莫能
及

文宗自金陵入正大統途中嘗作一詩云穿了襖
衫便着鞭一鈎殘月柳梢邊兩三點露滴如雨

六七箇星猶在天。犬吠竹籬人過語。雞鳴茅店
客驚眠。須臾捧出扶桑日。七十二峰都在前。
九華山在池州青陽縣治西南。舍許延袤一百八
十餘里。高凡幾千丈。昔名九子。李太白更為九
華。其峯巉巖。巖巖聳谷。轉溪迴洞。幽咫尺殊形
跬步異狀。世雖有工畫者。莫能殫其形勝。文宗
道中望之。口占云。昔年曾見九華圖。為問江南
有也無。今日五溪橋上見。畫師猶自欠功夫。

范梈

字德機清江人憲司知事與楊仲弘虞伯生揭曼碩為四大家詩世稱范楊虞

揭

范德機以瓊扇一握贈黃明府因賄以絕句曰拾
得炎州月一團。殷勤持贈比琅玕。情知已是瓊
風後。留作明年九夏看。

范德機掘塚歌曰。昨日舊塚掘。今朝新塚成。塚前
兩翁仲。送舊還迎新。舊魂未出新魂入。舊魂還
對新魂泣。舊魂丁寧語。新魂好地不用多。子孫

子孫綿綿如不絕。曾孫不掘。玄孫掘。我今掘。良可悲。不知君掘又何時。

鬼作晚翠亭詩云。一徑入青松。飛流澹晴綠。道人晚歸來。長歌振林谷。山溪不知求。落葉下枯木。湏臾翠煙開。月色照綵服。危太朴學士素嘗與范德機。殊夜同步。德機得二句云。雨止脩竹間。流螢夜深至。喜甚。既而曰。語太幽殆。類鬼作。遂不渡綴筆。

楊載

字仲弘浦城人宣城推官

楊仲弘詩以宗陽宮翫月爲絕倡詩曰老君臺上
涼如水坐看冰輪轉二更大地山河微有影九
天風露寂無聲蛟龍並起承金榜鸞鳳雙飛載
玉笙不信弱流三萬里此身今夕到蓬瀛

有畫一老翁推獨輪小車上載兩巨甕者以示楊
仲弘仲弘意其為警世之為因爲賦詩曰小人
無它獨嗜利兩甕載車將遠致肩頰足趺汗潛

然冉冉修程胡不畏。世人但笑愚翁愚。甕破即
與瓦礫俱。不知人有千金軀。前行險道方乘車。
婺州胡汲仲清介有守。趙子昂嘗為羅司徒奉鈔
百錠為潤筆。請作乃父墓銘。汲仲怒曰。我豈為
近官作墓銘耶。是日汲仲絕糧。其子以情白坐
上諸客。咸勸受之。汲仲却愈堅。嘗以詩送蔡如
愚歸東陽。有薄糜不繼襖。不煖謳吟猶是鍾球
鳴之句。語之曰。此余秘密藏中休糧方也。楊仲

弘贈詩云先生惟達道久矣樂山林致聘無雙

壁為生過十金身閒雲出岫髮短雪盈簪遁世

猶吾志同盟欲自今汲仲名長孺號石塘嘗應聘入京世皇召見於便殿

趨進張皇不覺笠子欹側上問曰秀才何學對曰修身齊家治國平天下之學上笑曰自家一

笠尚不端正又能平天下耶然憐其貧時授揚州路儒學教授

虞集字伯生號邵菴蜀郡人其母夢羽人騎鶴抱一小兒來曰此南嶽真官寄汝家

養之既而誕集

虞伯生幼年過剡門酒樓題詩于壁曰連十八書

其詩曰耳目聰明一丈夫。飛行八極隘寰區。劍
吹白雪妖邪滅。袖拂春風槁朽蘇。氣似酒酣雙
國士。情如花擁萬天姝。如今一去無消息。只有
中天月影孤。當時皆以爲呂洞賓作。爭傳誦之。
虞伯生初入翰林時。楊仲弘亦在都下。仲弘每言
伯生不能作詩。伯生一日載酒造請作詩之法。
仲弘酒酣盡。爲傾倒。伯生因遂超悟其理。繼有
詩送袁伯長扈駕上都云。日色蒼涼暎赭袍。時

巡母乃聖躬勞。山連閣道晨留輦。野服周廬夜
屬橐。白馬錦韉來窈窕。紫駝銀甕出蒲萄。從官
車騎多如雨。祇有楊雄賦最高。它日以所作詩
介他人質。諸仲弘仲弘曰。此詩非虞伯生不能
也。或曰。先生嘗謂伯生不能作詩。何以有此。曰。
伯生學問高。余曾授以詩法。餘莫能及。或又以
詣趙子昂。子昂曰。美則美矣。若中聯改山為天。
野為星。則尤美。伯生深服之。

許有壬叅政與虞文靖同在館虞有所私午後輒
出許每叩不遇因題簡云日日出游知虞公之
不可諫虞還視之即書其下云時時來晤何許
子之不憚煩許明日又至見而嘆賞久之

虞伯生在翰苑時宴散散學士家歌兒郭氏順時
秀者唱今樂府其折桂令起句云博山銅細裊
香風一句兩韻名曰短柱極不易作先生愛其
新奇席上偶談蜀漢事因命紙筆亦賦一曲曰

驚與三顧茅廬。漢祚難扶。日莫桑榆。溪渡南瀟。
長驅西蜀。力拒東吳。美乎周瑜妙術。悲夫關羽。
云。殂。天數盈虛。造物乘除。問汝何如。早賦歸與。
盖兩字二韻比之一句。兩韻者為尤難云。折桂
名廣寒秋一名天香第一枝一名蟬宮引令中
州韻入聲似平聲又可作去聲所以蜀術等字
皆與魚
虞相近

房山高彥敬尚書

克恭

善山水一日與客遊杭西

湖見素屏縈雅乘興盡奇石古松數日後趙子

昂爲補叢竹後爲戶部楊侍郎所得虞伯生題
其上云不見湖州三百年高公尚書生古燕西
湖醉歸寫古木吳興爲補幽篁妍國朝名筆誰
第一尚書醉後妙無敵老蛟欲起風雨來星墮
天河化爲石趙公自真夫人獨與尚書情最親
高懷古誼兩相得慘淡酬酢皆天真侍郎得此
自京國使我觀之三歎息今人何必非古人淪
落文章付陳迹此圖遂成三絕

虞文靖在宜黃時嘗倚樓吟詩有五更鼓角吹殘
雪之句忽隔溪一童揖而言曰角可吹鼓不可
吹亟命召之已失所在蓋詩鬼也

虞文靖公賦壺洲詩曰傳聞海上有玄洲曾是安
期舊所遊千頃白雲都種玉一杯弱水不勝舟
魚龍夜護黃金鼎鸞鵠晨朝紫綺裘波浪不驚
星斗近步虛聲裏度清秋

虞文靖公贈無塵道人詩曰雲霧為衣月作裳天

壇。獨。自。禮。虛。皇。龍。收。古。劍。沉。秋。水。鶴。識。神。丹。起。
夜。光。金。井。有。聲。惟。墜。露。玉。堦。無。色。乍。凝。霜。無。端。
下。界。松。風。動。又。欲。飄。然。上。鳳。凰。

朱萬初善製墨純用松烟蓋取三百年摧朽之餘
精英不可泯者用之非常松也天曆乙巳開奎
章閣揀儒臣親侍翰墨榮公存初康里公子山
皆侍閣下以萬初所製墨進大稱旨得祿食藝
文館虞伯生贈之詩曰霜雪摧殘澗壑非溪根

千歲斧斤違寸心不遂飛烟化還作玄雲繞紫微

天台柯敬仲

九思

際遇文宗起家為奎章閣鑒書

博士得出入內廷後失寵退居吳下虞伯生賦
風入松長短句寄之云畫堂紅袖倚清酣華髮
不勝簪幾回晚直金鑾殿東風軟花裏停騾書
詔許傳宮燭輕羅初試朝衫御溝冰泮水按藍
飛燕語呢喃重重簾幕寒猶在憑誰寄銀字泥

緘報道先生歸也杏花春雨江南詞翰兼美一

時爭相傳誦機坊以此織成帕云柯嘗畫黃鶯

絕白頭云春濃不放小禽棲白髮銜冠向曉啼

簾幕半開人未起樓臺風暖日猶低黃鶯云春

風嬌軟綠陰肥上苑鶯花紫翠圍却向後宮深

院裏一枝閒自理金衣弘正間嘉興周伯器嘗

題二圖云奎章閣下老詞臣吟遍鶯花上苑春

回首金衣閒自理綠陰多歲少風塵重重簾幙

護輕寒聽徹春禽午夜闌無限江南歸興重不

將華髮漫衝冠蓋用其語而反其意也柯又稱

叅書必當時又嘗有此署街

初文宗以順帝為明宗子忌之遠竄海南詔書有

曰明宗在位之時自以為非其子虞伯生筆也
文宗宴駕寧宗立八月崩國人迎順帝立之帝
入太廟斥去文宗神主而命四方毀棄舊詔伯
生時在江西詔以皮繩縛腰馬尾縫眼夾兩馬
間逮捕至大都嫉之者為十七字詩曰自謂非
其子如今作天子傳語老蠻子請死至則以文
宗親改詔藁呈順帝覽之曰此我家事豈由爾
書生耶遂得釋兩目由是喪明

揭傒斯

字曼碩
豫章人

揭曼碩未達時多游湖湘間一日泊舟江涘夜二鼓攬衣露坐仰視明月如畫忽中流一櫂漸逼舟側中有素妝女子歛衽而起容儀甚雅曼碩問之曰妾商婦也良人久不歸聞君遠來故相迓耳因與談論皆世外恍惚事且云妾與君有夙緣非同人間之偶奔者追曉戀戀不忍去臨別謂曼碩曰君大富貴人也亦宜自重因留詩

曰盤塘江上是奴家郎若閒時來喫茶黃土作
墻茅蓋屋庭前一樹紫荊花明日揭舟阻風上
岸沽酒問其地即盤塘鎮行數步見一水仙祠
墻垣皆黃土中庭紫荊芬然及登殿所設像與
夜中女子無異後曼碩官至翰林侍講學士神
女之言益不誣云

揭曼碩嘗題鴈圖云寒向江南暖饑向江南飽物
物是江南不道江南好時色目北人來江南者

貧可富無可有而猶辱罵南方不絕口自以為
右族身貴視南方如奴隸然故有此誚

文宗御奎章日虞伯生柯敬仲常侍從以討論法
書名畫為事時揭曼碩為授經郎亦在列比之
二人寵眷則稍疏因潛著一書曰奎章政要以
進二人不知也時有畫授經郎獻書圖行于世
句曲外史張伯雨題詩曰侍書愛題詩士畫日
日退朝書滿牀奎章閣上觀政要無人知有授

經郎蓋柯作畫虞必題故云

揭曼碩在奎章日應制題明皇出遊圖云明皇八
駿爭馳道還是開元是天寶長安花簇萬年枝
不識年華醉中老奎章閣下文章靜衮衣高拱
唐虞聖莫言此畫徒爾爲千載君王作金鏡
嘗有問於虞伯生曰楊仲弘詩如何曰仲弘詩如
百戰健兒范德機詩如何曰德機詩如唐臨晉
帖揭曼碩詩如何曰曼碩詩如三日新婦先生

詩如何笑曰虞集乃漢廷老吏揭開之不悅嘗

中夜過伯生問及茲事一言不合揮袂遽去後

以天曆年間秘閣開詩寄公中有奎章分署隔

憲紉學士詩成每自誇之句天曆年間秘閣開

宮門待漏常先到講席收書每後回召試時蒙

天語勞分題不待侍臣催滿頭白雪丹心在太

液池邊只獨來奎章分署隔自紗不斷香風

別殿花留守日須中賜采宣徽月送上供茶諸

生講罷仍番直學士吟成每自誇五

載光陰如遇客九疑無處望重華

公得詩謂

門人曰揭公才力竭矣就答以詩云故人不肯

宿山家夜半驅車踏月華寄語旁人休大笑詩
成端的向誰誇并題其後云今日新婦老矣揭
召至都果疾卒

張天雨

字伯雨錢唐黃冠號真居九成之裔
後入華陽洞自號句曲外史初見虞

伯生伯生全不言儒者事只問道家典故
雖吞之或不能詳末問能作幾家符篆曰
不能伯生曰某試書之以質是否連書士
十二家伯雨汗流浹背輒下拜曰真吾師
也自是託交甚契故
與伯生書必稱弟子

錢唐老儒葉景修

森

家住西湖婦女頗不繫所藏

王右軍籠鵞帖石刻誠為妙品張外史貽詩有
云家藏逸少籠鵞字門繫龜蒙放鴨舡世以鴨
比喻五奴故云

俗傳七月十五日為中元節僧家建盂蘭盆會放
燈西湖及塔上河中謂之照冥張伯雨詩云共
泛蘭舟燈火闌不知風露濕青冥如今池底休
鋪錦此夕槎頭直掛星爛若金蓮分夜炬空於
雲母隔秋屏却憐牛渚清狂甚苦欲燃犀走百

靈我朝劉邦彥亦有詩云金蓮萬朵漾中流

龍江州凌波未必通銀浦起月倚簷近絲

張伯雨嘗從其師王溪月真人善附入京時燕地

未有梅花吳閒閒宗師全節新從江南移植護

以穹廬扁曰漱芳伯雨偶造其所恍若與西湖

故人遇徘徊既久不覺熟寢其中覺而自已晡

矣閒閒笑曰伯雨素有詩名宜有作遂賦長詩

有風沙不憚五千里翻身跳入仙人壺之句閒

開大喜送翰林集賢嘗所往來者和之由是名
大起

酒客折荷葉盛酒以簪刺節令與柄通吸之名碧
筒飲張伯雨詩曰採綠誰持作羽觴使君亭上
晚尊涼玉莖沁露心微苦翠蓋擎雲手亦香飲
水龜藏蓮葉小吸川鯨恨藕絲長傾壺誤展琳
琅袖笑絕耶溪窈窕娘

張伯雨晚居茅山罕接賓客一日有野僧來謁童

予拒之僧云語而主吾詩僧也胡為拒我不
已乃為人報伯雨書老杜花徑不曾綠客掃
句使持以示僧僧略不運思足成詩云久聞方
外有神仙只住華陽古洞天花徑不曾綠客掃
石牀今許借僧聰穿雲去汲燒丹井帶雨來畊
種玉田一自茅君成道後幾人騎鶴下蒼煙
宋
句寓伯雨得詩大驚延入置之上坐留連數日
風意

張伯雨戲題黃大癡小像云全真家數禪和口鼓

貧子骨頭吏員臙腑聞者謂語雖諧謔足盡其

為人云

大癡老人名公望字子久畫師董源晚稍變之與趙松雪及梅道人吳鎮仲圭

黃鶴山樵王蒙叔明為元四大家

欣笑隱

南昌僧元初高安僧有圖至天隱元末浙僧有遁元覺隱皆以詩自素時

號三隱遁元一名文誠

大欣住杭中天竺有學行研窮教典旁貫百家文

宗召赴闕特賜三品文階張伯雨贈詩云繡經

臺畔惜分携華蓋峰前幾夢思一席地分眠鹿

州三更月在掛猿枝。我書安能半袁豹。君才
倍十曹丕。上番相逢虞祕監。不嫌頻竄仰山碑。
僧舊看黑衣。文宗寵愛笑隱賜以黃衣。其徒後皆
衣黃。歐陽原功題僧墨菊詩云。必芻元是黑
衣。郎當代溪仁。始賜黃。今日黃花翻潑墨。本
來面目見馨香。

一日省相請大欣看潮。其日寺火。時恩斷江住虎
丘寺。同日灾有僧爲詩戲之曰。欣哉笑隱住中

峰本是鴻儒學說空。羅刹江頭潮未白。稽留峰
下火先紅。青霄有路干丞相。絳殿無顏見大雄。
若使斷江知此意。兩人握手立江風。

天隱工於古文而詩尤清婉其入食云月暗花明
淪竹房輕寒脉脉透衣裳。清明院落無燈火。獨
繞迴廊禮夜香。曉過西湖云水光山色四無人。
清曉誰看第一春。紅日漸高絃管動。半湖煙霧
是遊塵。他如再往湖南云春路晴猶滑。山亭晚

更長竹枯湘淚盡花發楚魂香涂居士見訪云
並坐夜深皆不語一燈分映兩閒身其造語之
妙當不減於惠勤參寥輩也

長洲陳湖磧沙寺僧魁天紀者居之魁讀儒家書

尤工於詩天隱與友善贈詩云拈筆詩成首首

新興來豪叫欲攀雲難醫最是狂吟病我恰才

痊又到君

魁嘗刻天隱所註唐三
寺中今吳人稱磧沙唐詩是也

覺隱睡起詩云花下拋書枕石眠起來閒漱竹間

堯山堂外紀卷十三
泉小牕石鼎天猶暖殘燼時飄一縷烟江亭纔
晚云獨倚清江秋思長晚潮初上水亭涼海門
風起雙巒暝一抹銀花湧夕陽。

松楊詩人程渠南滑稽士也與覺隱同齋食簞覺
隱請渠南賦葦詩應聲作四句云頭子光光脚
似丁。祇宜豆腐與波稜。釋迦見了呵呵笑。煮殺
許多行脚僧。聞者絕倒。

堯山堂外紀卷七十三終

堯山堂外紀卷七十四

晉陵蔣仲舒編

元

順帝受歡帖睦爾

宋少帝熈既封瀛國公及

與內宴酒醉立傍殿楹間世祖悅愔見龍
爪擎櫻米時有獻謀除滅者世祖疑而未
許瀛國公密知之乃乞為僧往吐蕃學佛
法目擊全石公主姬御遁居沙漠易名合
尊長子亦為僧名完晉頃之渡誕一子時
明宗為周王時亦遁沙漠與少帝公主往
來遂乞少帝子與其妻適來的為子即順
帝也其生之年為大德七年庚申我大明

兵入燕都遁去當時人只呼
庚申君既卒國人謠曰惠宗

庚申君有佳句云鳥啼紅樹裏人在翠微中天下

誦之

庚申君初年荊州分域有鬼夜叫云苦也苦幾時
泥到襄陽府居人皆聞之而不見其形及早視
之凡樹木不論大小皆用泥和狗猪毛離根一
二尺泥之至樹分枝處則止後又改叫云苦也
苦幾時泥到成都府蓋古今未聞之異

至正間上下以墨為政風紀之司賊汚狼藉是時
金鼓音節迎送廉訪司官則用二般鼓一般鑼
起解強盜則用二般鼓一般鑼有輕薄子為詩
嘲曰解賊一金并一鼓迎官兩鼓一般鑼金鼓
看來都一樣官人與賊不爭多又有為醉太平
小令一闕云堂堂大元姦佞專權開河變鈔禍
根源惹紅巾萬千官法濫刑法重黎民怨人嘆
人鈔買鈔何曾見賊做官官做賊混賢愚哀哉

可憐。

庚申君嘗召一術士問以國祚對云國家千秋萬
歲不必深慮除日月並行乃可憂耳至正戊申
九月大明兵克通州庚申君聞報大懼集三宮
后妃太子夜半開建德門北去而元遂亡蓋日
月並行乃明字隱語也明年我太祖開居應
昌馳書示以禍福因答詩曰金陵使者渡江來
漠漠風烟一道開王氣有時還自息皇恩何處

不昭回。信知海內皆王土。亦喜江南有俊才。歸

去誠心煩。為說春風先到鳳凰臺。成祖嘗出宋元諸帝容命

袁柳庄珙相表見太祖太宗曰英武之主自真宗至度宗曰此皆秀才皇帝元自世祖至文宗

曰皆是吃綿羊肉即主見順帝則曰又是秀才皇帝也成祖大笑厚賜之觀此則庚申君實與

宋帝狀貌相類豈果合尊太師之苗裔歟今其子孫君主漢北皆宋胤也水東日記載一詩云

皇宋第十六飛龍元朝降封瀛國公元君召公尚公主時承賜宴明光宮酒酣伸手扒金柱化

為龍爪驚天容元君含笑語群臣鳳雛寧與凡禽同侍臣獻謀將見除公主泣淚沾酥曾幸脫

屣口走方外易名合尊沙漠中是時明宗在沙漠締交合尊情頗濃合尊之妻夜生子明帝隔

帳聞笙鏞乞歸行宮養為嗣皇考崩時年甫童
元君降詔移南海五年乃歸屋九重憶昔宋祖
受周禪仁義綽有三代風至今兒孫主沙漠吁
嗟趙氏何其隆庚申君末年兵部侍郎青田
林諫先作詩送其任使南歸云清秋送侄出都
門別淚臨風下酒尊在客豈無鄉井念為官肯
負國朝恩鵲鵲飛疾家偏遠鴻雁行稀日欲昏
獨上屋庸最高處回頭一望一銷魂庚申君北
遁諫挈其子隨去

秦王伯顏

所署官銜計二百四十六字

伯顏擅權之日刻王徹徹都高昌王帖木兒不花
皆以無罪殺山東憲吏曹明善時在都下作岷

江綠二曲以風之大書揭于五門之上伯顏怒
令左右暗察得實肖形捕之明善出避吳中一
僧舍居數年伯顏事敗方再入京其曲曰長門
柳絲千萬縷總是傷心處行人折柔條燕子啣
芳絮都不由鳳城春做主長門柳絲千萬結風
起花如雪離別重離別攀折復攀折苦無多舊
時枝葉此曲又名清江引俗曰江兒水

伯顏貪惡無比及以罪左遷南恩州達魯花赤至

隆興卒寄棺驛舍滑稽者題于壁云百千萬定
猶嫌少垛積金銀北斗邊可惜太師無運智不
將些子到黃泉

脫脫

太師馬扎兒台之子秦王伯顏從子也
馬扎兒台為小官時嘗賃屋以居時脫

脫尚幼居有苑未實至葵時脫脫盡采以
貯小奩大師歸勿問曰此桃何在脫脫曰
當賃屋時未嘗言及此也當還其主
太師深喜之他日亦拜相為太師云

脫相當朝有神童來謁能詩年纔數歲脫相令賦
檐詩卽成絕句分得兩頭輕與重世間何事不

擔當蓋諷之也

至正庚寅年間叅議賈魯以當承平時無所垂名
欲立事功於世首勸脫脫開河北水田又勸造
至正交鈔及河決南行又勸追求夏禹故道開
使北流身專其任瀕河起集丁夫二十六萬餘
人朝廷所降食錢官吏多不盡支河夫多怨韓
山童等因挾詐陰鑿石人止開一眼鐫其背曰
石人一隻眼挑動黃河天下反預當開河道埋

之掘者得之遂相為驚詫而謀亂山童詐稱宋
徽宗九世孫偽詔略曰蘊玉璽於海東取精兵
於日本貧極江南富誇塞北蓋以宋廣王走崖
山丞相陳宜中走倭托此說以動搖天下當時
貧者從亂如歸朝廷發師誅之雖即擒獲而亂
階成矣有無名子為詩曰丞相造假鈔舍人做
強盜賈魯要開河攪得天下開

山西高平縣長平驛為賈魯故

宅中庭古松十餘株皆當時物也天朝平定山
西宅沒入官以其壯碩不忍毀即以為驛驛間

賈魯修黃河思多怨亦多百年千載後
更有怨消磨觀此則當時或以亟疾刻深招致
民怨而其禦灾捍患則後世
亦有公論固不得而盡非云

至正癸巳年間江淮群寇起張九四據高郵韓山
童男據臨濠徐貞一倪蠻子陳友諒亂漢沔脫
相統大師四十萬出征殷勢赫然始攻高郵城
未下庚申君入丞相哈麻之讒謂天下怨脫脫
故亂罷脫脫盜自寧息乃詔削脫脫官爵安置
淮安未幾哈麻復矯詔醢殺之後一年東南州

郡多陷哈麻言不驗與雪雪並配死或以詩粘
國門曰蝦蟆水上浮雪雪見日消定住不開口
汪家奴只一朝雪雪吞麻弟也為御史大夫黨
兄為奸左丞定住緘默右丞汪終日酣飲而已

梁王孛羅

一名把都

至正癸卯明玉珍僭號於蜀自將紅巾三萬攻雲
南梁王及憲司官皆奔威楚諸部悉亂徵兵救
援大理總管段功謀於員外楊淵海卦之吉乃

進兵紅巾屯古田寺功遣人夕火其寺紅巾軍
亂死者什七八功追至七星關又勝之而還紅
巾旣退梁王深德段功以女阿禮主妻之奏授
雲南平章功戀戀不肯歸國其大理夫人高氏
寄樂府促之歸曰風捲殘雲九霄冉冉逐龍池
無偶水雲一片綠寂寞倚屏幃春雨紛紛促蜀
錦半牀閒鴛鴦獨自宿好語我將軍只恐樂極
生悲冤鬼哭功得書乃歸旣而復往其臣楊智

張希喬留之不聽既至善闡梁人私語梁王曰
段平章復來有吞金馬燕碧鷄之心矣盍早圖
之梁王乃密召阿禰主付以孔雀膽一具命乘
便毒殪之主潛然不受命夜寐人定私語平章
曰我父忌阿奴願與阿奴西歸日出毒具示之
平章曰我有功爾家我耻自蹶傷爾父尚嘗為
我累之爾何造言至此三諫之終不聽明日邀
功東寺演梵至通濟橋馬逸因令番將格殺之

阿瞋主聞變失聲哭曰昨暝燭下纔講與阿奴

雲南施宗施秀煙花殞身今日果然阿奴雖死

奴不負信黃泉也欲自盡梁王防衛萬方主愁

憤作詩曰吾家住在雁門溪一片閒雲到滇海

心懸明月照青天青天不語今三載欲隨明月

到蒼山悞我一生踏裏彩錦被名也吐嚕吐嚕段阿

奴吐嚕可惜也施宗施秀同奴歹歹不好也雲片波潸不

見人押不蘆花顏色改押不蘆乃北方起死回生草名肉屏獨

坐細思量

肉屏駱駝背也

西山鐵立霜瀟灑

鐵立松林也

時

員外楊淵海為從官亦題詩粉壁飲藥而卒詩
曰半紙功名百戰身不堪今日總紅塵歟生自
古皆由命禍福于今豈怨人蝴蝶夢殘滇海月
杜鵑啼破點蒼春哀憐永訣雲南土錦酒休教
灑淚頻梁王哀淵海之才縷意欲為已用見詩
痛悼乃厚恤之令隨平章槥葬大理

既功既死其子寶嗣為總管女僧奴志恒不忘復

仇將適建昌阿黎氏出手刺繡文旗以與寶曰
我自束髮聞母稱父冤恨非男子不能報此旗
所以織也今歸夫家收合東兵飛檄西洱汝急
應兵會善闡又作詩二章曰珊瑚勾我出香閨
滿目潸然淚濕衣冰鑑銀臺前長大金枝玉葉
下芳菲鳥飛兔走頻來往桂秀梅馨不暫移惆
悵同胞未忍別應知含恨點蒼低何彼穉穉
老自紅歸車獨別洱江東鴻臺燕苑難經目風

刺霜刀易塞胸雲舊山高連水遠月新春疊與
林重淚珠恰似通宵雨千里關河幾處逢

梁王遣史刺平章七攻大理不克乃與段實講和
奏陞為雲南左丞未幾明玉珍復侵善闡梁王
遣叔鐵木的罕備兵大理時寶已長答書云殺
虎子而還喂其虎母分狙栗而自詐其狙公假
途滅號獻璧吞虜金印玉書乃為釣魚之香餌
綉閨淑女自設掩雉之網羅况平章既亡弟兄

罄絕今止遺一葵一奴奴甫贅華黎氏葵又可
配阿瞿妃如此事諾我必借大兵如其不可待
金馬山換作點蒼山昆明池改西洱池時來矣
書後附以詩云烽火狼烟信不符驪山舉戲是
支吾平章枉喪紅羅帳員外虛題粉壁圖鳳別
岐山祥兆隱麟遊郊藪瑞光無自從界限鴻溝
後成敗興衰不屬吾梁王見之恨寶入骨寶聞
我大明開基金陵遣其叔段真自會川入京奉

表歸欵時有妖巫女歌曰莫道君為山海主山
海咲諧諧園中花謝千萬朶別有明主來寶數
日疾卒子明嗣時洪武十四年也壬戌天兵破
善闡梁王自鳩黨屬悉俘明再上書求頒降雲
南王印書後附以詩有方今天下平猶易自古
雲南守獨難之句傳友德沐英等攻下之明就
擒雲南悉定

方谷珍

台之楊氏山人嘗有童謡云楊氏青
出賊精其初亦欲向功為國宣力後

失賞
遂叛

元制任胡族為正官中華人官佐貳至正間任非
其人酷刑橫歛台溫處之民樹旗村落曰天高
皇帝遠民少相公多方谷珍因而肇亂江淮紆
中遂相繼而起

舍春柳氏明州女子也年十六患病禱於延慶寺
閼王神而愈因繡幡往酬之一少年僧頗聰慧
窺柳氏姿而悅之因以其姓戲作呪語誦于神

前名曰面。面偈其詞云。江南柳。嫩綠未成陰。枝軟不堪輕折。取黃鸝飛上。力難禁。留取待春深。女亦甚慧。聞而憾之。歸告於父。時方谷珍據明州。父因訟于谷。珍谷珍捕諸僧至。訊作詞者。姓名對曰。姓竺名月華。谷珍乃召匠氏作大竹筒。將納僧以沉諸江。謂曰。我亦取汝姓作一偈。送汝歸東流。因吟曰。江南竹巧匠。作為筒付與法師藏。法體碧波深處伴蛟龍。方知色是空。僧惶

恐伏地扣頭告哀云死吾分也更乞容一言國
珍許之僧復吟曰江南月如鏡亦如鉤如鏡不
臨紅粉面如鉤不上畫簾頭空自照東流谷珍
知其以名為答笑而釋之且令畜髮以柳氏配
為夫婦

一說此即谷珍女內附后配黔國公子
在雲南宣德間鄧人徐憲副訓奉化應

方伯履平歷仕雲南此女年已
老以鄉里視之性來如親戚云

江西程國儒任餘姚州判官因亂來依方谷珍與
呂玄英為友國儒有鶴傍牡丹圖索呂題云牡

丹。谷。畔。鶴。精。神。飛。並。雲。林。似。倚。人。萬。里。青。霄。不。
歸。去。洛。陽。能。有。幾。時。春。程。得。詩。即。日。促。裝。回。番。
陽。

張士誠行九四洪武甲子開科取士諸勲臣
張九四厚禮文儒及請其名則曰士誠
聖祖曰此名甚美答曰孟子有士誠小人
也之句彼安知之帝自此覽
天下所進表箋多罹禍者

張氏據有平江日其部將左丞呂珍守紹興參軍
陳庶子饒介之在張左右一日陳賦詩饒染翰

題一紈扇以寄呂云後來江左英賢傳又是淮
西保相家聞說錦袍酣戰罷不驚越女采荷花
饒素負書名且詩語俊麗為作者所稱呂俾人
讀罷忽大怒曰吾為主人守邊疆萬死鋒鏑間
豈務愛女子而不驚之耶見則必殺之又元帥
李其姓者杭州庚子之圍解頗著功勞一士人
投之以詩將有求焉其詩有黃金合鑄李將軍
之句李大怒曰吾勞苦數年止是將軍今年纔

得元帥乃復令我為將軍耶舍帳下策出之二
事一時相傳為笑

張氏據有浙西富饒地而好養士凡不得志於時
者爭趨附之美官豐祿富貴赫然有為北樂府
譏之云皂羅襪兒緊扎梢頭戴方簷帽穿領濶
袖衫坐個四人轎又是張吳王米蟲兒來到了
及城破無一人死難者

偽吳委政於第士信士信惟務酒色用黃叅軍啟

夫蔡叅軍彥文葉叅軍德新圖事三人皆迂濶
書生不識大計時有市謠十七字曰丞相做事
業專用黃菜葉一夜西風來乾鱉洪武丁未春
天兵下江南三人皆伏誅剝其腸而懸之至於
枯歿蓋三臣皆元戚機臣殘膏僭侈帝特惡焉
天兵破姑蘇張士誠就擒其妻劉氏率姬妾登齊
雲樓自焚歿黨與無一人歿難者天台王澤吊
以詩曰天星夜落水犀軍又見吳臺走鹿群睥

睨金湯空自固。倉皇珠玉竟俱焚。將軍只合田
橫。歟。國士嗟無豫讓。聞風雨年年寒食。卽麥孟
誰上大妃墳。又有人賦絕句云。虎聞龍爭。既不
能。雞鳴狗盜。亦何曾。陳平韓信。皆歸漢。只欠彭
城老范增。

李思齊

本羅山人兄弟七思齊行三墓在寶
雞縣東三十里人呼其墓曰三相公

墓
云

元末李思齊屢抗主師。後舉臨洮降我明。上命

為江西行省右丞不之官尋以功進中書平章
上欲優待思齊食祿不視事泊卒上親為
文遣官祭之又為詩挽之云朕有幾點銅鉄汁
平生不為兒女泣昨日忽聞丞相崩一灑乾坤
草木濕其子世昌世襲指揮後調雲南臨安衛
今尚世其官云

堯山堂外紀卷七十四終